

日本
本草綱目

本草綱目拾遺草部下目錄

浙貝

土貝

草棉

紫草茸

獨腳連

獨腳一枝蓮
八角連附

露花粉

通血香

鴉膽子

卽苦參之子

夏草冬蟲

綿絮頭草

鐵烏鈴

元寶草

雀梅

鐵指甲

嫋酣草

土當歸

開金鎖

苦花子

雪裡青

荔枝草附

落得打

佛手草

草石蠶

毛葉仙橋

貓舌仙橋附

荷包草

鼠牙半支

狗牙半支

虎牙半
支

馬牙半支

狗尾半支

金雞獨立草

神仙對坐草

紫羅蘭

龍鬚

野蓆草
烏龍鬚

眞珠草

九龍草

石打穿

鐵

籠
筐

狗卵草

一粒金丹

免耳一支箭

獨葉
枝

鎗
耳

金邊兔
耳酸

金線釣蝦蟆

雞蟲草

老君鬚

葛公草

芸香草

鏡面草

石將軍

五葉草

蛇草

千年健

蜈蚣萍

老鶴草

鬼香油

肥兒草

玉釵草

石蛤蚆

香蕉

鐵樹葉

虎頭蕉

蘡草

解暈草

即廣東萬年青

萬年青

仙半夏

各種麴附建神麴

白酒藥附

帕拉聘

一枝蒿

香草

臭草

本草綱目拾遺卷五

錢唐趙學敏恕軒氏輯

合肥張紹棠又堂氏刊

草部下

浙貝

土貝

今名象貝去心炒

百草鏡云浙貝出象山俗呼

象貝母皮糙味苦獨顆無瓣頂圓心斜入藥選圓

白而小者佳○葉闇齋云甯波象山所出貝母亦
分兩瓣味苦而不甜其頂平而不尖不能如川貝

之象荷花蕊也土人於象貝中揀出一二與川貝
形似者以水浸去苦味曬乾充川貝賣但川貝與
象貝性各不同象貝苦寒解毒利痰開宣肺氣凡
肺家挾風火有痰者宜此川貝味甘而補肺矣不
若用象貝治風火痰嗽爲佳若虛寒咳嗽以川貝
爲宜

張景岳云味大苦性寒陰也降也乃手太陰少陽
足陽明厥陰之藥大治肺癰肺痿欬喘吐血衄血
最降痰氣善開鬱結止疼痛消脹滿清肝火明耳

目除時氣煩熱黃疸淋閉便血溺血解熱毒殺諸蟲及療喉痹瘰癧乳癰發背一切癰瘍腫毒溼熱惡瘡痔漏金瘡出血火瘡疼痛爲末可敷煎湯可服性味俱厚較之川貝母清降之功不啻數倍反烏頭又解上焦肺胃之火

張石頑本經逢原云貝母浙產者治痘瘕喉痹乳癰金瘡風痙一切癰瘍同苦參當歸治妊娠小便難同青黛治人面惡瘡同連翹治項上結核皆取其開鬱散結化痰解毒之功也

吹喉散 經驗廣集治咽喉十八症俱效大黑棗

每個去核裝入五倍子一個去蟲研象貝一個去心研用泥裹煨存性共研極細末加薄荷葉末少許冰片少許貯磁瓶內臨用吹患處任其嘔出痰涎數次卽愈

對口 楊春涯驗方象貝母研末敷之神效

土貝母

一名大貝母百草鏡云土貝形大如錢獨瓣不分與川產迥別各處皆產有出安徽六安之安山者

有出江南宜興之草注者有出甯國府之孫家埠者浙江惟甯波鄞縣之樟村及象山有之入藥選白大而燥皮細者良

百草鏡云味苦性平微寒無毒能散癰毒化膿行滯解廣瘡結毒除風溼利痰傅惡瘡斂瘡口茅昆來筆記味大苦專消癰疽毒痰楊梅結毒非此不除

乳癰初起 白芷土貝母各等分爲細末每服三錢陳酒熱服護暖取汗卽消重者再一服如壯實

者每服五錢○楊春涯驗方天花粉乳香去油沒藥白芷歸尾土貝母赤芍獨活川芎各一錢甘草節陳皮各八分穿山甲三片阜角刺一錢五分金銀花二錢五分防風一錢二分好酒煎服○又方白芷梢土貝母天花粉各三錢乳香去油一錢五分共炒研末白酒漿調搽再用酒漿調服三錢乳癰外科全生紫河車草浙貝各三錢用黃糖拌勻好酒和服盡醉蓋被取汗趙貢栽云浙貝乃甯波土貝母也

治乳岩 葉氏驗方陽和湯加土貝母五錢煎服

數日可消○姚希周濟世經驗方治乳岩已破用大貝母核桃核金銀花連翹各三錢酒水煎服

癰瘍 不論已破未破皆治瑞安生驗方土貝母

半觔牛皮膠四兩敲碎牡蠣粉炒成珠去粉爲細

末水發丸菜豆大每日早晚用紫背天葵根三錢

或用海藻昆布各錢半煎湯吞丸三錢○又癰瘍

膏藥用牛皮膠水熬化一兩入土貝母末五錢攤

油紙上貼之○吉雲旅抄紫背天葵一兩五錢土

貝母昆布海藻各一兩西牛黃三分海螵蛸五錢
陳膽星三錢桔梗一兩共爲細末酒發爲丸如菜
豆大每日服六七十九好酒送下○千金不易方
治男婦小兒生癰癥內消用土貝母研末陳米醋
調搽數日卽消○仙姑玉環散治痰核癰癥未潰
用此方生南星生半夏土貝各等分研末醋蜜調
勻敷

癰癥初起 土貝研細陳米醋和搽數日暗消○
又方土貝母大力子全蟲洗各五錢紫背天葵根

昆布洗海藻洗各一兩青皮蟬退各三錢甲片炒
四錢蜈蚣酒炙七條當歸二兩爲末蜜丸砂仁湯
下三錢虛加人參○種福堂敷痰核瘰癧方用生
南星生半夏生大黃各一兩大貝母昆布海藻海
浮石銅綠明礬各五錢用商陸根汁葱汁薑汁蜜
四味調敷○又痰核瘰癧膏中用大貝母

痰核方 人參甘草各六分川芎桔梗陳皮木香
烏梅各八分當歸白芷防風茯苓各一錢半夏五
分生薑三片黑棗二個水二鍾煎服如患處有水

不乾加知母一錢土貝母一錢

消瘰癧 傳信方穿山甲和沙炒牛皮膠切碎麥
殼炒各二兩土貝母連翹各一兩共爲末大人三
錢小兒二錢

治汗斑 集驗土貝母一兩南硼砂一兩冰片一
分共研末搽之卽愈

家寶方硼砂只用五錢以
暑月出汗時頻搽乃效

治鼠瘡 彙集關紹聖方大鯽魚一尾阜角內獨
子每歲一個川貝母三錢土貝母二錢將阜角子
貝母入魚肚內黃泥包裹陰陽瓦炭火焙乾存性

研爲細末每服三錢食後黃酒調服忌葷百日
手發背 葵蕙編生甘草炙甘草各五錢阜刺二
錢五分土炒土貝五錢五分半夏一錢五分甲片
二錢五分炒黑知母二錢五分加葱薑水酒煎二
劑服卽愈

刀割斧砍夾翦鎗箭傷損 集驗云土貝母末敷
之止血收口

毒蛇咬 祝氏效方急飲麻油一盃免毒攻心再
用土貝母四五錢爲末熱酒沖服再飲酒盡醉安

臥少時藥力到處酒化爲水從傷口噴出候水盡
將盆內貝母渣敷傷口垂死者皆活

腫毒初起 百草鏡云此方傳自異人應驗如響
重者不過三服輕者一二服初起卽散已成者自
潰且易收口甲片炙搗六錢全當歸五錢花粉八
錢白芷五錢廣皮三錢土貝母研二錢銀花一兩
阜刺三錢赤芍六錢防風五錢甘草節六錢乳香
炙另研一錢沒藥炙另研一錢蘇木二錢川牛膝
一錢川斷五錢酒水各半煎汁去渣將沒藥乳香